

重修兩淮鹽法志

兩淮鹽法志卷一百二十七

鄰稅門

湖南鄰稅

鄂湘兩省自長江道梗皆爲川私所侵而湘省復多一
粵私淮界邊腹浸灌皆滿粵寇平江督曾國藩規復引
地釐定年額又以借食日久驟更之恐生他變仍留鄰
稅局以從民便冀日推月廣民將舍彼而就我也然比
較歷年東洲大陂市花畹岡三局鄰稅年短一年至有
一歲所徵不足供一局之費者而私鹽暗地浸灌如故
淮銷終不能過十二萬引則以積重之勢非盡關人謀

內洋鹽法志 卷三十一
之不臧也志湖南鄰稅

粵鹽收稅

咸豐六年七月湖南巡撫駱秉章奏自粵匪竄擾長江淮
運中梗經戶部奏准此後湖南湖北應仿明臣王守仁
立廠抽稅之法凡川粵鹽斤入楚擇隘專駐道府大員
設關抽稅又准戶部咨湖南之郴桂等州向爲粵鹽浸
灌據廣西巡撫勞崇光奏議抽收鹽稅章程內稱粵私
赴楚要路應如何設關抽稅應由楚省督撫妥議具奏
等因咨行到臣經臣遵行據前署鹽法道裕麟會同藩
司文格酌議每鹽一包暫抽稅錢七百文稟由臣飭委

候補知府師映垣候補知縣李熾福前往郴州宜章二
州縣擇要設卡試辦抽稅正擬繕摺覆奏接准兩廣督
臣葉名琛咨據樂桂埠商稟稱樂桂一埠引繁餉重全
賴湖南引地行銷概須船載惟私販則係挑馱陸運今
楚省於郴桂設卡以船載爲私販以引地爲越境是粵
商先完正課再完課外釐金成本倍增難期利運咨臣
遴委大員會同粵員查勘界址勿任郴桂設卡抽釐等
因查粵私浸楚有由陸路挑運者有由船裝載者究之
陸路挑運之私其實皆自粵船售買而得郴桂設卡抽
稅斷無舍船運大宗之私不抽而專抽陸路零星私販

之理且楚省自設卡試辦以來並未見粵商裝運官鹽到埠卡局亦未抽過官鹽之稅粵商以概設水卡謂湖南重徵課外之釐實有意預爲借引行私地步戶部議覆廣西設局抽稅摺內有云商人借引行私船戶吞包夾帶爲鹽務錮習正不獨私販之難於巡緝蓋已早慮及之此槲宜不得不兼抽船載之鹽之定局也惟粵商旣以重科爲辭溯查順治十一年部臣題准廣西分銷廣東引鹽除在廣東納課外每引納軍餉銀九錢盤割五項銀三錢七分有奇戶部有每引徵稅之條會典有按包抽稅之則斯皆粵鹽官引於完納正課外再議抽

稅成法惟所抽軍餉盤割銀數過重或照湖南現在試
行粵鹽每包抽錢七百文科算比之廣西現擬餘鹽一
包抽稅銀四錢八分之則更爲輕減如粵商仍以正引
重科爲辭或卽照前明兩廣總督王佐議定每正鹽一
引許帶餘鹽六引正鹽免稅餘鹽收稅其夾帶多鹽許
其自首仍計引納稅如隱匿不盡盤出交官治罪一條
令嗣後埠商運鹽一引必運餘鹽六引而免一引之稅
均經臣縷晰聲叙咨商兩廣督臣迅速酌核咨覆臣維
粵鹽之行銷湖南者引地向止郴桂十一州縣今於郴
桂卡局抽稅之外不復問其所之粵鹽銷路旣廣銷數

日增以溢銷之鹽補正引之稅不惟楚釐得稍資接濟
卽粵課亦自無短絀之虞實屬兩有裨益現當軍需萬
緊粵省咨覆需時勢難停待臣與司道覆加熟商擬卽
照明臣王佐議每官鹽一引許帶餘鹽六引官鹽一引
免稅餘鹽六引抽稅以杜借引行私之弊俾免影射而
資接濟戶部議覆臣等查湖南一省僅郴桂十一州縣
例行粵引其餘九府六十州縣均屬淮鹽口岸自淮鹽
片引不到前經籌辦餉鹽由江西分運楚南現以道阻
未必運到又籌撥淮鹽由浙運楚以濟民食亦經奏明
停止是該省官鹽久經缺乏引地盡爲私充鹽利悉爲

私據此時舍設卡抽稅別無辦法現在川潞各私業由湖北抽稅辦有頭緒而湖南離川潞較遠浸灌尙少惟郴桂等處之粵私闖入最易值此官引不行各私販水陸爭趨勢所必至尤應於來源要隘急籌抽稅之法俾得化私爲官以粵鹽之有餘補楚課之不足若如該撫所奏各商稟阻各情顯係意圖偷漏預爲借官行私地步未便任聽該商一面之詞阻撓鹽法所有該撫籌議郴宜等處設卡抽稅各事宜應請如所擬暫行試辦仍令該撫等照湖北抽稅章程將徵收稅項按兩月奏報一次以憑稽核至奏稱官鹽一引免稅餘鹽六引抽稅

之處原爲劃清正引免致重科起見惟查粵鹽行於榔
桂等處額足六萬六千餘引今每引加帶餘鹽六引卽
應增行三十九萬餘引之多能否按照此數科算難以
懸擬旣據該撫咨商兩廣督臣酌核請

旨敕下兩廣總督全局通籌查照該撫咨內各情節和衷商酌
迅速定議辦理奉

旨依議欽此

咸豐十一年衡州鹽茶東征總局詳請添委員紳赴衡核
實抽收粵鹽稅項在於衡州耒河東洲兩卡鹽船經過
之處遵照奏定每百斤抽錢七百文章程完納除永郴

桂各卡已抽若干准其作抵外由衡補抽以足七百文之數至經過東耒兩卡一人一肩路挑之鹽亦除抵補抽合共每百斤三百文之數嗣因各商販避重就輕致船鹽假作路挑難於查察遂於挑販亦照每石七百文之數與船鹽一律完納

同治二年十一月鹽政曾國藩定淮鹽運楚章程咨明兩湖督撫將鄰鹽釐稅加抽川鹽入鄂於荊州加抽釐錢每斤八文其錢以五文歸兩淮鹽政以三文歸鄂湘督

撫

詳見票法新章

同治二年十二月湖南巡撫惲世臨咨送衡州釐金東征

局委員戚天保等議粵鹽加稅章程 一衡卡補抽粵
鹽之稅合釐東兩局每百斤共抽錢七百文至經過東
未兩卡一人一肩路擔之鹽每百斤合抽錢三百文今
奉憲札加抽粵鹽每百斤於東釐外鹽船每百斤加抽
三百文合前共成一千文路挑鹽每百斤加抽三百文
合前共成六百文 一奉憲札在於衡州府屬淮引地
面就見有之東征局加抽粵釐自應遵照在衡卡加抽
但粵鹽浸灌永郡寶慶與衡州之耒陽常甯安仁衡卡
皆無從補抽擬粵鹽之自永來者在於永州各卡地面
每石加抽一百五十文由衡補加一百五十文粵鹽之

自榔桂來者在於榔桂各卡地面每百斤加抽一百五十文由衡補加一百五十文三處分加商人或不苦於煩擾一奉憲札加抽粵鹽每百斤於東釐外應加錢若干文自應遵照專於東餉議加惟查南省各卡抽收章程如本省抽稅一千文東征折半今擬船鹽路鹽每石加抽三百文分爲釐東各半庶不致多寡懸殊一查路挑稅錢較船鹽稅項每石少錢四百文且船鹽斤兩以一百斤爲一石而肩挑之鹽每一石除百斤以外有多至三四十斤五六十斤不等稅錢既少斤兩又有盈餘原以路挑之鹽貧民辛苦經前委員稟明量加體

卹在案後來水販生心假充肩販積弊多端卽以利之多寡言之鹽船由城北橋頭一帶駛出焦原河口卽行雇夫繞過卡局計每石腳錢不過百餘文卽免東洲二百四十文之稅其水販之改肩挑者可免東洲五百餘之稅節經察覺示罰此弊究屬不免未卡情形亦復如此卑府等再四籌商擬俟粵鹽加稅時於東洲卡以上之車江焦源河等處未河卡以上之泉溪市新城司等處酌添稽查分卡相機試辦見在衡郡團防局礮船僅祇六號不敷分派合無仰懇憲台添撥礮船六號由局節制以爲護卡之用至口糧等項應仍歸原水師營自

行支發 一加抽日期不能過早查前案淮鹽歸官運
時衡清山三縣每因不能源源而來承辦官鹽之員尙
須於湘潭長沙就近轉買接濟常未安三縣亦以淮鹽
不繼借食粵鹽遂成積習誠以重湖之險風水每多阻
隔一遇淮引不到民間遂有淡食之虞况值復引伊始
若粵鹽因加稅而觀望不進淮引復難猝來勢必貽誤
擬請俟淮鹽已到湖南省河或抵湘潭方行加抽 一
粵鹽加稅必須先期徧諭客商擬請憲台飭刻板大告
示三四十道示內應請載明加抽數目如所擬每斤加
稅三文或永郴桂衡分處加抽則請註明永卡加抽錢

若干文若專歸衡卡加抽亦請註明衡卡加抽錢數其
路挑一項請註明祇准每百斤爲一石照章完稅其百
斤以外之鹽係屬餘鹽無票可抵應照此項加抽之數
過稱補完以杜弊混經鹽政會國藩覆咨查湘省加抽
粵釐前議在於衡州每斤加抽八文以三文歸湘五文
歸淮刊入新章茲釐局所議加稅數目雖與刊章定數
不符未便操之過急既據該局員等就近體察情形擬
分水陸每百斤各加抽三百文應如所請在於衡州每
百斤加抽一百五十文歸淮永郴桂每百斤加抽一百
五十文歸湘粵私斂迹即可照此定案儻仍私暢淮滯

再當酌量加增俟准鹽運至長沙湘省設立督銷局後再行次第舉辦嗣於同治三年八月准鹽到省河湘省總分督銷各局依次設立八月十六日照定章加抽歸併衡卡見有之東征局辦理其所加抽歸淮項下均於東征票內另行註明補抽歸淮字樣以清款項

同治四年四月東征局知府戚天保等稟衡州加收粵稅見經督銷局准鹽總局派委王守之藩等另設淮鹽督銷局卡照刊章每斤收錢八文所有衡州暨永郴桂各試抽之一文半俟王守等局卡設定一律停止祇仍照舊將每百斤七百文之數補抽足額鹽政曾國藩批允

同治四年六月督銷局道員易潤壇稟本年於衡州府屬之東洲耒河兩處派委員紳加抽鄰稅嗣於湘潭所屬之朱亭地方添委員紳稽查並將上年稟准各市鎮加抽鄰鹽釐稅每斤三文半概就朱亭鹽卡抽收均經稟明在案查衡州與郴桂爲鄰而湘潭又於衡州爲鄰今東洲耒河兩處均抽鄰稅八文而朱亭僅抽鄰稅三文半尙不足以昭平允而固藩籬擬請轉飭朱亭卡局應再加抽四文半合前抽之三文半共成八文以符刊章每斤加抽八文之數經鹽政李鴻章批允

同治七年十二月戶部議奏曾國藩奏請收復引地川稅

既議停止湖南郴桂等處所收粵釐亦應一律停止旋據湖南巡撫劉崐瀝陳粵鹽不收釐稅成本更輕恐任意侵灌轉累官引請仍照舊抽收經戶部核議准令暫緩裁撤仍實力查察毋得侵灌致礙准綱

川鹽收稅

同治四年七月湖南布政使石贊清督銷局道員易潤壇示查川鹽入湘到埠定三文半落地之釐經過岳澧等處定四文半過卡之稅共成加抽八文之數然自上年設局以來澧安各卡尙未一律加收而川鹽繞越透漏到處充斥前經督銷局稟定章程暫停本省准鹽落地

之釐而於川鹽過卡未經完稅查無稅單者祇飭各局照章補抽以足八文之數嗣後川鹽運過岳澧各卡務將四文半之稅如數完繳由卡局發給稅單以憑沿途查驗如有仍前繞越抗不領單者一經查出無論在何處行銷應於三文半落地釐金之外補完卡稅四文半以符八文定章不准絲毫短少亦不得稍有浮溢

同治九年十一月湖南督銷局臬司譚鍾麟稟湘岸新章每年定運十二萬引今所銷不過七萬引推原其故鄂湘兵餉皆取給於川釐在淮局欲遏之使絕而釐局則招之使來誠使入湘之鹽一一按斤收釐不使暗中偷

漏則准引雖滯而鄰稅有加於公家未嘗無補乃鄰鹽
入境並不能核實抽收雖有查驗之名而明讓斤兩拆
收釐稅所抽者不過十之二三以致川鹽成本太輕來
源愈旺且由宜昌達湘地勢遼濶路徑紛歧巧於趨避
百計偷釐暗侵腹地無從扼要又有肩挑驢負自荊州
洋溪偷越澧河無從稽其實數不特於淮局大損亦且
於湘釐無益查釐局所收川釐近年約十三萬數千串
以每斤抽釐十文半計之僅銷川鹽十數萬石耳試問
川鹽溢出湖湘者可止此數此不待辨而自明也前曾
與釐局會商破除畛域之嫌共謀兩全之策擬在川鹽

入湖之太平口設立總卡添派巡船凡遇川販入境悉
令完繳釐稅發給稅單水程運赴各口岸輪銷所有釐
局向收之十三萬數千串均於此次收款內按數撥解
如鄰稅果旺再當酌量勻提儻嚴抽而川販不前則釐
局向收之數通岸淮商自願另籌歸款當經會詳前鹽
院批准照辦旋奉北督憲批飭有礙鄂餉未允施行竊
思越境收釐既多窒礙惟當於本省地面擇要設卡又
擬請於澧州之花畹岡岳州之城陵磯等處添設卡船
派員經理應請速飭水師派船來南認真舉辦經鹽政
曾國藩批所請在於澧州之花畹岡岳州之城陵磯設

立總卡凡遇川販入境一一按斤抽釐不使暗中偷漏
於核實之中寓暢淮之效應如所議辦理惟此間水師
礮船裁存無多應由該局自行添募所需口糧卽於鄰
稅內稟明開支粵私侵淮害亦不淺應與川私一律認
眞稽查

同治十年六月湖南巡撫劉峴奏湖南鹽道庫每年應支
巡撫學政養廉司道各衙門公費及書院膏火鹽卡巡
費等款銀歷由兩淮運司撥解鹽規匣費以供支應嗣
因運庫無銀解南節經由道庫借撥藩庫留備銀兩奏
明作正開銷上年因司庫支絀無款籌供經臣奏請或

由司庫指款撥給或在湖南所設兩淮督銷局鹽釐項下撥銀供支准部議覆在於督銷局所收淮釐以同治九年爲始每年撥銀二萬兩解交道庫以供支放奉

旨依議欽此當經飭據布政使王文韶會同鹽法道白恩佑詳據督銷局移稱此案詳奉兩江督鹽院批示鹽規匣費各岸皆有目前均未列徵若一經作爲匣費起解難保湖北江西各岸不援照奏請見在鹽釐日形短絀未便顧及匣費等因查此項淮釐旣不能作爲匣費撥用南省司道各庫又別無間款可籌相應籲懇

天恩在於湖南司庫暫行指款撥給准其按年列入撥冊造報

作正開辦。將來淮引暢銷運庫有款撥解再歸舊制。八月戶部議奏查湖南巡撫學政養廉司道衙門公費等項向在兩淮運司撥解匣費內供支。是道庫支發之款非司庫支發之款也。前因兩淮匣費停解節經由司庫留備項下借撥以供支放。嗣因司庫支絀無款可籌於上年正月間復經該撫奏請或由湖南司庫指款撥給或在湖南所設兩淮督銷局徵收鹽釐項下借撥當經臣部議令在鹽釐項下借撥亦謂鹽釐雖與匣費不同究仍不出鹽規之外奏准行知遵照在案。今據奏稱見奉兩江鹽政批示鹽釐短絀未便顧及匣費請仍在

司庫暫行撥給按年入撥造報作正開銷等因查該撫所奏非但與上年原奏不符且司庫用款原有常經如以偶爾借撥之款爲常年例支之款年復一年經久遂成爲定制而匣費之名亦且蕩然無存殊非慎重錢糧之道查匣費出於鹽課仍宜籌之於鹽該省見在郴桂二州設有釐卡抽收粵鹽釐金每年約報制錢十三四萬串岳州安鄉兩處設有釐卡抽收川鹽釐金每年約報制錢四五萬串若認真經理一年所收當不止此數該省養廉膏火旣屬必需之款臣等公同商酌擬請

敕下湖南巡撫在於該省所抽粵川鹽釐內如數動支准其作

正開銷俟准引暢銷川粵私淨仍歸匣費動支以符舊制如此一爲轉移養廉膏火既歸有著而司庫正項錢糧亦不致例外添出支款奉

旨依議欽此

同治十年八月湖南巡撫劉崐咨查緝粵私應請從緩至川鹽釐稅已嚴飭在事員紳按斤抽收此後如有偷漏則堵緝不力之咎應由督銷局任之如有折減則查收不實之咎應由釐金局任之經鹽政曾國藩覆咨抽收川釐目前責成釐金局核實查抽不准減折自可無庸另派大紳將來抽釐緝私擬請貴部院統飭督銷局經

管則事權歸一免致督銷局利在川少釐金局利在川多應於湘餉淮銷更有裨益

同治十年九月湖南督銷鹽法道白恩佑道員葉兆蘭等詳據湘岸淮商福隆昌等呈稱商等承運以來苦於鄰私浸灌蒙轉詳各大憲設立岳澧各卡認真抽收第該川商繞越偷銷在淮引仍不克暢而於本省釐稅轉至短絀商等情願承領代收本省鄰鹽稅釐每年准解十萬串數以便憲局一途辦理免致兩歧如或川釐果旺則除十萬串外所抽釐稅儘數解歸釐局儻淮旺川衰所收不足卽以淮銷六萬引外湘釐撥抵如果川淮兩

紉自願戶籌歸補等情自是爲慎重鄰稅暢銷淮引起見職道等查釐局歲收川稅贏絀無常准商旣願承認自當從多解繳方爲適宜見議酌定十二萬串之數飭該商每年包解經鹽政曾國藩批准嗣經湖廣總督李瀚章咨商以抽收川稅派紳管理猶恐窒礙若聽准商包收認解非特利權下移有乖體制且恐淮南壟斷把持勢必刁難苛索別滋事端且旣於城陵磯等處委員查抽川稅又准准商包認收解實屬自相矛盾旋經曾國藩覆咨查鄰鹽淮鹽同行一省勢不兩立淮滯則鄰暢理所必然卽如近年川稅大旺淮鹽因之滯銷是其

明證今湘省所收鄰稅短絀而淮銷非但不暢並較滯於前其故由於督銷局則利鄰鹽之少鄰稅卡則利鄰鹽之多事權不一政出兩歧鄰販乘此間隙遂繞越偷漏無所不至湘餉淮銷同時交困自不能不加整頓至該商包收川稅等情與本部堂先復南撫部院一咨適相脗合該局議每年包解十二萬串果能核實抽收當亦不致短少卽經批准令與釐金總局議章詳辦且淮商包釐其意在徵不足數由商湊資包繳並非包釐之後釐卡卽交商管可以藉端苛索況湘省此舉專爲鄰稅偷漏日多不肯遵章納稅是以欲將釐局歸併督銷

以期核實抽取若鄰販業已遵章完稅何致令鹽局越俎管釐淮南墊錢包釐爲此不憚煩耶應咨請查照施行

同治十一年七月湖廣總督李瀚章咨岳州常德澧州昔年行銷川鹽經前湖南巡撫邵院駱奏准每百斤抽稅錢七百文嗣復由貴前部堂會議定加抽鄰鹽釐稅本年因收回引岸又經曾閣部堂會同本部堂議以川淮畫界分銷湖南僅澧州一屬准銷川鹽與昔日情形懸殊查川商運鹽自宜昌完課後轉運至澧每石須完納釐稅錢二千數百文成本已重見在銷路又窄宜昌川

課驟形短絀急應變通辦理所有運湘川鹽入南省後除釐金仍應照舊完納外其鄰稅一項可否概免抽收抑或大加裁減照原額酌抽一二成合行咨商嗣經署鹽政何璟覆咨查湘岸澧州應抽鄰稅應照鄂省荆宜辦法照常抽收前經會同貴部堂暨南撫部院聯銜出示在案茲查川鹽行銷湘省見雖祇有一州之地而澧州與荆宜相近一經將鄰稅概免則川鹽路捷本輕到處可以浸灌是鄰稅一項不但不能概免卽照原額留一二成亦屬過於輕減惟來咨深以川商裹足鄂省餉絀爲慮自當酌量變通查湘省鄰稅定章每斤抽收八

文以五文歸淮三文歸湘今擬仿照鄂省減爲每斤抽收五文以三文歸淮二文歸湘其湘省向抽川釐仍照舊完納

同治十一年八月湖南巡撫王文韶咨據湖南鹽茶釐金局會同藩司鹽道詳稱奉憲札開准督部堂李咨開據湖北宜昌川鹽總局轉據川商稟稱請免花畹開釐稅查川商自宜昌完課後運鹽至澧共須完納稅釐二千六百文其中完釐若干自應查明分別酌量議減等因到院行局即便會同遵查川鹽運銷湘省經過澧州之花畹開釐卡向係遵照奏定章程每百斤抽稅錢七百

文又減半抽收協餉稅錢三百五十文迨運津市地方起坡銷售向由津局查照按價收釐章程每售錢一千文抽收落地釐金錢五十文每石共收釐錢四百文如不泊津岸徑運至慈石一帶及由津市轉運慈石等處行銷者因該縣城暨各口岸並未另設釐局向由慈石卡局查照津局章程每石抽收落地釐金錢四百文又查督銷局於花畹岡設立加重鄰私釐稅淮局每百斤加抽稅錢八百文其錢遵照刊章以五成歸淮以三成歸湘此川鹽行銷澧慈各處每石約共收釐稅錢二千六百文之原委也見在川鹽分界行銷情形迥非昔比

自應將各局卡稅釐分別減留以示體恤惟花畹岡釐
卡共收本協各餉稅錢一千零五十文係奉奏定章程
永無革除緣本司道等公同商酌擬嗣後凡川鹽運
銷鹽州縣道兵已在花畹岡完納稅項復在津市完納
釐金轉運至石門等處者悉石卡局驗明稅釐各票放
行免其完納沿途釐錢四百文如自宜昌販運不泊津
市徑赴石卡者則已免納津局釐金仍應由石卡照舊
抽收其花畹岡所設淮局加抽鄰鹽釐稅八百文係由
淮局辦理可否酌減應由督銷局核議詳覆等情本部
堂查花畹岡所設淮局加收鄰鹽釐稅湘省應收每斤

二文爲數無多於餉項尙無關礙業已咨行可減在案
據詳前情合咨貴部堂查照施行

同治十一年十二月湖南巡撫王文韶札湖南督銷局准
署兩江總督咨開查川淮分界章程淮分之界不准川
鹽侵入分寸奏明概免鄰稅川分之界仍准撥售淮引
前次會奏稿內稱武漢黃德四府所設抽收川稅卡一
律裁撤不言分川之安陸等五府一州亦併免抽鄰稅
則仍應照章抽收可知此曾前部堂與鄂省原定辦法
其淮分之界必須免稅者譬之客民前占之屋業已歸
還原主不能再收屋租也其川分之界仍須抽稅者譬

之一屋之中主客同居客民仍須酌給原主租費也今湖廣總督來咨內稱澧州一屬既准川銷不應復抽鄰稅似與原定章程不符本部堂前此議減澧州鄰稅三文實係婉曲通融見已轉飭湘岸督銷局將澧州歸准鄰稅減爲每斤抽收三文以輕川本而顧鄂餉其歸湘之二文既准湖南撫部院咨可以裁免應由貴撫部院就近札飭湘局遵辦等因本部院查湘省應收川鹽鄰稅二文應卽一律裁免以符前議札到該局卽便轉飭遵照辦理

同治十二年三月湖廣總督李瀚章奏湖南岳州常德澧

州等屬從前准行川鹽經前湖南撫臣駱秉章奏准抽收鄰稅旋由前雲江督臣曾國藩議定加抽鄰鹽釐稅並將辦理誠以楚岸爲淮南引道故於鄰鹽稅課特重而軍餉亦藉資取給也上年規復舊制又經臣會同曾國藩奏准戶部議覆將兩湖各屬川淮二鹽畫界分銷湖南議以澧州一屬准銷川鹽餘則盡歸淮銷因湖北川銷日滯課餉驟絀經臣查明川鹽入鄂先在宜昌總局每斤完納課錢十八文成本已重若再抽收陸課無以廣疏銷卽無以裕課餉奏請將應銷川鹽之安陸荊門等府州月徵陸課一律裁免准部議覆照行在案查

湖南准銷川鹽見僅澧州一屬之地與昔年情形懸殊
川商運鹽自宜昌完課後轉運至澧運費及應納釐金
爲數甚鉅成本較重見在銷路又窄商販每多虧折裹
足不前因而宜昌川課日形短絀於鄂省餉源大有窒
礙伏思湖南所抽之鄰稅卽與湖北之陸課無異今鄂
省川鹽陸課旣已停收則湖南省川鹽鄰稅亦應裁免且
此項鄰稅係歸淮南由督銷局派員在於澧州花畹岡
地方設局徵收僅有一州之鹽收數無多徒滋糜費似
宜變通辦理所有運湘川鹽入南省境後除釐金仍照
舊完納外其鄰稅一項應請自本年三月初一日爲始

一律免其抽收並將花畹岡之局卽行裁撤以輕販本而節糜費四月戶部議奏查湖南省抽收川鹽釐稅一在岳州府一在澧州之安鄉縣自咸豐六年設局開辦每百斤抽錢七百文厯經奏報有案至澧州之花畹岡由淮南督銷委員設局抽收川稅檢查厯屆兩江總督奏報上下半年淮南收數案內僅列湘釐名目並未將鄰稅分晰開報見據該督奏停其每年實收數目臣部旣無從確核且查此項鹽釐該督原奏內稱經前兩江督臣曾國藩議加鄰稅案內咨行辦理是增設之初意在疏銷淮鹽因而加重鄰稅今川淮二鹽雖已分界行

銷而澧州毘連岳常二府均屬淮南引地如將鄰稅一局裁撤恐川鹽成本日輕必致隨處侵銷占攔淮引再查上年鄂省奏停川鹽陸課以北潞二私無稅之鹽充斥安陸等處始議停免陸課冀輕成本以敵私販至湘省各屬例銷淮鹽除納課外尙有應扣湘釐較之川鹽運湘成本有增無減見當整頓淮綱嚴杜私銷鹽價低昂尤不可不權衡輕重免致喧賓奪主有礙淮鹽大局所有該督請將澧州花畹岡地方抽收川鹽稅釐裁撤之處應毋庸議至花畹岡釐局每年抽收川稅數目江督奏報淮南下半年鹽釐數內未經分晰並請

敕下兩江督臣嗣後奏報上下半年淮南鹽釐案內卽將所抽川鹽釐稅分晰開報以憑考核奉

旨依議欽此六月湖廣總督李瀚章奏竊惟爲政貴持大體定章不宜兩歧稅課未便重徵商民當使信服湖南准行川鹽僅澧州一屬湖北川鹽陸課旣已奏准裁免而澧州川鹽同一先在宜昌完納正加各課似亦不應再抽鄰稅若謂澧州毘連岳常二府恐川鹽本輕隨處侵銷不知鹽界旣經畫定越境卽以私論地方官果能講求緝私認真巡查川鹽何敢侵越查此項鄰稅當日原定每斤抽收八文以五文歸淮三文歸湘上年經臣咨商

前署督臣何璟湖南撫臣王文韶減爲每斤抽收五文以三文歸淮二文歸湘旋准王文韶咨湘省應分二文爲數無多已一律裁免是以見僅抽收歸淮之三文核計統歲收數甚微無補淮鹺徒有重稅之名不足示民以信實有傷於政體應請將運銷湖南澧州川鹽援照鄂省成案仍准免收鄰稅其花畹岡所設一局卽予裁撤以昭大信而歸畫一閏六月戶部議奏臣等查政之大體莫要於不變之經一定之法前此曾國藩建議重抽川稅俾暢淮綱原爲逐漸規復起見花畹岡每年所抽川稅雖屬無多而局由淮設客主分明於借銷川鹽

之中卽寓抑制川鹽之議該督慮川販之滯銷不計進
綱之被占至謂定章不宜兩歧稅課未便重徵查各省
鹽務設局抽釐各就地方情形分別辦理勢難執一概
論湘省尙有粵鹽分銷地界亦係官鹽與鄂省之票潞
各私無稅充斥者不同所以臣部於鄂省則減商釐以
遏私販於湘省則稅川鹽以暢官引情事各判章程卽
難強同若稅課之重輕與局卡之分合尤係因地制宜
兩淮票引旣完正課於經過釐卡交納不止一次該督
祇求減輕川稅未悉各省鹽務辦法遽以重徵立論未
免一隅之見且花畹岡川鹽一局前由兩江總督派員

抽收其應歸淮之三文專以解充淮餉既有停免之舉
卽應會商江督具奏方可取信商民今該督一再陳奏
並未與江督會銜徒示體恤於川販未權利害於淮綱
顧川而不顧淮所謂使商民信者未免太偏所有花畹
岡川鹽稅局應令照舊抽收並請

收下兩江總督將該局每年徵收數目彙入奏報上下半年淮
南課釐案內分款開報奉

旨依議欽此

同治十二年七月鹽政李宗羲會同湖廣總督李瀚章湖
南巡撫王文韶示照得花畹岡應徵收川稅見准部文

議令復設業經飭派委員馳赴湘省仍在該處設卡此
後川鹽經過循照舊章每斤抽制錢三文給予照票如
無花畹岡釐票不准運赴澧州各屬銷售違者應照私
論

謹按花畹岡鄰稅卡關防由湖南督銷局刊給三聯
照票用總局關防其花畹岡總卡暨青石碑東壩口
兩分卡薪水火食雜用及礮船勇糧等項每月約共
支錢三百串文由總局發給

同治十二年十月花畹岡委員張雲吉稟卑職於九月十
五月初抵花畹岡該地夏秋常在澤國居民稀少河中

小划甚多概係漁戶不無句通夾帶情弊從前委員不無姑息今復設此卡若輩視爲讐敵蒙南撫憲王調撥早勇四十名礮船五號督銷局發下舊舢板二隻藉其彈壓已於二十一日開卡所慮水勢漸涸徵收無幾且對岸設有澧安釐局是隔河兩卡徒有重徵之名究無收稅之實查澧安卡每鹽一百斤收錢一千五百文卑卡抽收三百文合而計之釐重而稅輕竊恐虛糜經費於公無濟經鹽政李宗羲批該卡辦法不在過鹽之增多而在抽收之覈實總須辦到有一斤鹽收一斤稅方爲盡善

同治十三年六月湖南鹽法道惠年督銷局道員孫翹澤稟從前鄰稅詳准動支彌補局用不敷之費此次體卡復設所收川稅改爲報部之款自未敢仍前支報但該卡經費每月由卑局發給三百串而卑局局用甫據准商籌議按引加提試辦入數多寡須視銷數暢滯東洲大陂兩處粵稅又復月收無多所有該卡經費月需有額自不能不籌經久之計前經稟奉批諭俟稅旺酌留一二成由外覈銷欽感無似查該卡收稅數目上年自九月二十一日開辦扣至年底總收一千三百餘串本年正二兩月共收三百餘串其時冬乾水涸船運鮮通

以致收數有限逮至三月收數已增至二千串四月收數亦復一千一百串有奇前後比較日形暢旺自夏季四月爲始遵示酌留二成以爲該卡經費不敷之數仍由局籌補給發其每月呈報收數擬以八成造具正冊二成另造副冊仍將所留用款按上下半年彙同籌補數目造冊呈請覈銷經鹽政李宗義批准

光緒十三年八月湖南鹽法道普津督銷局道員譚信渠詳據花畹岡鄰稅卡候選訓導蔡綬彝稟稱卑卡東北一帶向無分卡盡屬空虛其走漏稅課者以安鄉縣所屬地名三汊河爲最該處鹽號已開數家五方雜處市

面情形無項不備奸商知該處僅有釐局而鹽卡未立
希圖便宜率皆繞越卑卡無從堵截棘手異常且查近
來該釐局冊報每年共收鹽稅錢三千餘串卑卡平日
所收稅務不過數家良懦店戶而已可否添立分卡並
置船板等情查澧州屬之花畹岡一帶汭港紛歧皆川
鹽船隻入澧要隘該處雖經稟請設卡收稅而花畹岡
總卡及東壩口青石碑等分卡均在西北一帶僅能收
太平口川鹽入澧釐稅其川鹽由藕池口裝入多方繞
越防不勝防漏稅愈多淮銷愈滯三汭河近來市面較
大開設鹽行數家奸猾船戶多由此轉運安鄉出杜口

沿途灑賣花碗岡卡局幾同虛設蔡紳請於三汊河增
設分卡係爲鄭重稅務保全淮銷起見擬卽札委該卡
委員兼辦由卑局派司事一人管理收支經署鹽政裕
祿批准

兩淮鹽法志卷一百二十七

兩淮鹽法志卷一百二十八

鄰稅門

江西鄰稅

自淮運道梗江西大吏議撥粵鹽不果乃採買閩浙之鹽每引完課費二兩六錢八分二釐零應募者亦少繼而派員赴浙買運又以淮浙兩課並納加以津貼軍需等項本重銷滯改爲專納淮課二兩六錢八分以抵軍餉行之未久浙省淪陷專賴閩粵鄰私以濟民食設卡抽稅化私爲官自同治三年規復引地飭各卡加重鄰私釐稅以輕淮本各私販多方繞越徒有抽稅之虛名

並無疏引之實效八年夏乃一律停稅堵截視鄂湘鄰私至今猶劃界分銷者似有擴清之功然以二十餘年經營之力西省歲銷終不能出十二萬引則鄰稅積重之勢有以致之也志江西鄰稅

粵鹽收稅

咸豐三年二月江西巡撫張芾奏請撥運粵鹽六萬引來江收淮鹽岸費每引徵銀四錢經戶部議准

謹案嗣因兩廣總督葉名琛以窒礙難行奏明停止詳見借運鄰鹽至咸豐七年春間始經江西司道會議設卡抽收閩粵各路鄰私稅化私爲官在省城原

設百貨釐金局內兼設鹽稅總局派員承辦仍由司

道督理經江西巡撫文俊批飭遵辦

詳見借運鄰鹽

同治二年八月運司郭嵩燾詳閩浙粵三省私鹽奉飭按斤加釐應請咨明江西撫部院並飭行各路釐局刻日起捐其廣饒兩府並請查照地勢添設卡座酌委員弁堵緝經鹽政曾國藩批允咨行

同治二年八月鹽政曾國藩江西巡撫沈葆楨示凡鄰鹽入淮引界內由官鹽局發給空白稅單交各局卡專收鄰鹽之稅浙粵鹽每斤收稅錢十二文閩鹽每斤收稅錢八文均於入界之首卡收稅給單卽爲官鹽准在淮

引地面行銷

同治二年九月鹽政曾國藩定淮鹽運西章程第四條江西十府近年爲粵私浙私閩私侵占應卽重稅鄰私閩鹽每斤徵錢八文浙粵鹽每斤各徵錢十二文責成各卡認真緝私嚴拏繞越以免偷漏

互見票法新章

同治二年十月吉安牙釐分局知府凌蔭廷稟奉札開查粵私由南贛來者必由吉安之良口芙蓉白洋埧等處入淮引地界應飭吉安牙釐分局凌守移駐良口設立鄰鹽稅局於芙蓉白洋埧等處設立分卡由官鹽局印發空白稅單存局凡粵鹽入淮引地界每斤抽稅錢十

二文填給稅單卽爲官鹽准在淮引地面行銷等因應
卽遵照辦理惟粵鹽贛關已總完十分每石祇抽錢二
十四文既有確據似難按貨抽取已於十月初八日更
正舊章粵鹽條例每斤抽稅錢十二文是否在贛關之
外應請明定章程經鹽政曾國藩批粵鹽每斤抽錢十
二文係併贛關及南康城外稅錢八文在內前定鹽稅
章程以南贛甯爲粵鹽引地不便重稅故擬設局良口
重稅鄰私查贛南辦理鹽稅除贛關徵收額稅外每斤
抽錢八文由西河來者南康城外抽錢四文西關抽錢
四文由東河來者東關抽錢八文是經過良口之鹽多

由贛郡東西關而來自以東西關爲扼要此次重抽鄰私是否宜以東西關及南康城外之鹽稅八文停收概歸良口每斤抽錢十二文抑或東西關及南康城外仍舊共收稅錢八文至良口再加四文究以何者爲妥仰速議詳奪至白洋坳芙蓉卡及百嘉通津橋白土街等處係繞越贛關而來自宜每斤抽錢十二文以杜偷漏同治三年三月江西督銷局道員程桓生稟查新章淮鹽銷市短絀粵鹽暢行以良口並未設卡加釐僅在贛關每石收稅錢八百文詢知爲辦理贛局署贛南王道稟請邀免加稅已奉批准在案惟查粵鹽成本甚輕卽照

新章每百斤加徵錢四百文准鹽尙不能敵今併此不加恐粵鹽益充斥淮引日見銷滯淮鹽定價至賤售至三兩五錢爲止而粵鹽入贛客商由贛轉販來省今正贛市買進每石花洋七角上下外加釐金錢八百文船錢客用二百四十文二共約加花洋一元一角統計花洋四元八角每元七錢三分五釐扣合洋銀三兩五錢二分五釐九五扣足漕紋三兩三錢四分八釐七毫五絲運至省垣出售九折扣稱每石約需成本漕平足紋三兩七錢二分八毫三絲九七三七折實庫平足紋三兩六錢二分三釐視三兩五錢之淮價猶有過之販

者尙稀近來賴市每石跌價花洋五角計除庫紋三錢四分祇合成本庫紋三兩二錢八分三釐之譜是淮鹽價值之不能敵粵鹽一也淮鹽斤兩係連包索稱售每引包索重二十八斤計除庫紋九錢八分照六百斤扯算每石折耗庫紋一錢六分三釐三毫以後小引到岸包索尤重粵私則每石除簍稱售淨鹽每石百斤另放餘斤是淮鹽斤兩之不能敵粵鹽二也淮鹽各販買運填給水程旣限以護運日期且令其指明府屬不得更改他處粵私自入淮界繳清釐稅填給護票定限有百日之寬且任其運往何郡而各販反以私爲利便官爲

窒礙是淮鹽運售之不能敵粵鹽三也況淮鹽經三卡查驗屢據報提餘斤爲數甚鉅粵私由額販運投卡完釐之後餘卡照票放行難保無夾帶重斤情事是淮鹽之不能敵粵鹽之私四也甚有射利之商私置鹽鍋以粵砂百斤熬成白鹽餅鹽各名目其間水氣可餘五六斤並有滲入石膏約以十斤計算石膏每斤不過五六文鹽價則五十餘文行此二法成本又較淮鹽減輕八百文計合庫紋六錢是淮鹽不能敵粵私之僞五也兼之目下粵商船錢用費尙無須如前此之多而銷數日益廣出產日益增官引私鹽兩相比較私價成本賤於

官價四錢之數卽加釐四百文扣合庫紋不上三錢盤地頭再跌售價更賤商販惟利是圖其有不去淮而就粵耶贛南道所稟原爲釐餉起見然在淮鹽未行之前則可目下鹽釐專爲軍餉而設少銷一引淮鹽計短軍餉九兩四錢四分多侵六擔粵鹽卽照加釐而論亦祇抽釐金錢七千二百文僅合庫紋五兩二錢有零加釐一層勢不能已然於粵鹽入境首卡驟增重釐恐易滋事入境已深入少勢分必無抗釐藐法之事擬請照百貨釐金一護一驗辦法由贛州而下第一卡抽一次每百斤抽釐四百文第二卡折半再抽一次每百斤抽釐

二百文統計加六百文祇合庫紋四錢有零或於准可
以相敵至釐票內亦須聲明運往何處加以府分字樣
照准鹽章程不准改運若各卡查驗有票與地不對者
每石再加釐四百文其夾帶重斤亦令抽查仿照准鹽
提數充公經鹽政曾國藩批查粵鹽加稅前據署贛南
王道具稟當因准鹽尙未旺到是以批令暫緩在案茲
據查明五端均屬實情見在章程西鹽抵岸已旺亟應
照章加稅鄰私以疏准引仰候札飭牙釐省贛兩局催
凌守迅赴良口設卡爲第一卡每斤加釐四文吉安爲
第二卡再加二文樟樹爲第三卡再加二文以符刊章

八文之數

謹按嗣於四月由吉安府黃鳴珂稟准此項加抽鄰
稅歸郡城坐賈釐卡委員兼收由梅林渡卡驗放旋
又以並卡兼收恐啟繞越之弊改由神崗山設卡抽
收仍由梅林渡驗放

同治三年四月江西督銷局道員程桓生稟奉札粵鹽刊
章內本敘每斤徵錢十二文前飭良口先收四文吉安
再收二文龍母廟再收二文每斤共收八文是否
由該道核明議覆等因查粵鹽抽稅刊章原定每斤徵
錢十二文係連贛關舊收八文在內若但由良口先收

四文吉安再收二文龍母廟再收二文每斤共收八文
僅符贛關舊收之數未免過嫌其少如於贛關完八文
逐漸加抽八文又恐驟然增重轉較刊章十二文之數
未免過形其多擬酌中定數如贛關概不抽稅則良口
吉安龍母廟三處應請分別酌加或設卡之始暫從輕
試辦一二月後粵鹽仍復暢行再請於吉安龍母廟兩
卡各加抽二文仍符刊章十二文之數若自贛關入境
舊舊徵課八文應於良口止抽二文再由吉安及龍母
廟各抽二文經鹽政曾國藩批粵鹽加稅雖在良口等
處設卡所有贛關舊抽之八文仍應照常徵收贛關係

粵鹽引地其收八文者重卡地也猶之淮鹽行湖北引地每斤抽九文半交鄂省釐局也良口以下係淮鹽引地其再收八文者重引地也譬之川鹽奏行湖北每斤抽八文歸本部堂也良口以下加稅鄰私刊章本係十二文係恐商人裹足減爲八文如果淮本過重粵本過輕將來尙可再加如果粵利太薄將來尙可再減惟贛關舊抽之八文則係多年定章斷不可減此時督撫各半分解尤不宜輕改成法也

同治三年十月江西督銷局道員程桓生稟奉札開刻下江西軍務將次肅清深恐粵私乘間四出亟應趕緊設

卡以杜鄰私該局卽便將良口吉安及龍母廟三卡應收數目趕緊議詳等因遵查粵鹽加稅一案原奉札開以良口爲第一卡每斤抽錢四文吉安爲第二卡加抽二文樟樹爲第三卡再抽二文符刊章八文之數正遵照辦理間適奉飭將樟樹一卡改設峽江縣所轄之龍母廟該三卡應抽錢數奉批飭體察情形隨時加減經分別移行遵照奈值逆氛竄擾以致各卡延未開辦嗣因撫建漸次肅清卽經札飭龍母廟卡委員迅速舉辦茲奉飭議良口各卡應抽數目體察情形所有粵鹽每斤額開循舊徵稅八文此外議由良口暫行加抽二文

再由吉安及龍母廟各卡二文三卡共抽六文俟試辦
一二月後粵私仍復暢行再行加抽以期逐漸堵截經
鹽政曾國藩批准

同治四年二月鹽政曾國藩覆江西巡撫沈葆楨咨准貴
部院咨開准兩廣督部堂毛咨南安南康贛關三處設
卡分抽鹽釐係在粵引地界咨會分別移設裁撤以顧
引課等因查贛州南康南安各卡係在粵引地面江西省
釐捐本部堂奏明統歸江省辦理應否撤移應請貴部
院主政核辦其良口吉安龍母廟三處係在淮引地面
據程道詳定每卡各抽二文三卡其抽六文本部堂因

時變通並未拘定刊章十二文之數加收已於杜絕鄰私之中寓以俯順販情之意況設卡以後收數頗旺鄰私並未斂迹各卡均有冊報可稽鈔咨內所稱商鹽顆粒不銷不足深信所有已設各卡未便移撤嗣於閏五月護理江西巡撫孫長絨覆咨據贛州牙釐局詳稱查南安南康贛關各卡係在粵引地界惟粵鹽抽收釐稅章程入境首卡抽釐一次每百斤抽錢一百文販運出境之鹽抽稅一次每百斤抽錢八百文抽足一釐一稅之後下卡均不再抽其在粵引界內銷售者祇抽一釐向不抽稅贛州爲銷引地面進城鹽斤從無抽收稅錢

之事是設卡雖係粵引地界抽稅實係越界之鹽至南
康一卡原因防鹽斤繞越西河關卡而設提歸南康卡
先抽一半次至西關卡找完足數仍共合抽稅錢八百
文自上年十月間良口吉安龍母廟三處設卡加稅以
後稽核各卡近日收數雖較從前減色而所收鹽釐鹽
稅兩項仍可及百貨釐金之半見准咨開已設各卡未
便移撤等語實屬洞鑒其隱復查大庾南康贛關各卡
多年奉行於引地並無窒礙粵鹽釐稅在贛局實爲收
款大宗見當軍餉支絀全資挹注未便遽議更張應請
查照施行

同治四年三月鹽政會國藩示照得粵私加稅先於良口
神崗山龍母廟三卡每卡每斤加抽二文原冀鄰私日
少不復再加詎知設卡以來各卡過鹽甚旺上年冬臘
兩月每月每卡約有二千數百串及三千餘串不等彙
計過卡鹽數每月不下三千餘引冬令水涸尙且如此
充斥見屆春水日漲各販辦運較便且聞粵鹽價值近
時尤賤成本易輕販運益多淮鹽更被阻滯應再於良
口神崗山龍母廟三卡每卡每斤各再加一文以重鄰
稅而疏淮引合行出示曉諭

同治六年四月督銷局道員徐志導稟據委員徐行稟稱

贛州行銷粵鹽向例每租加鹽三十餘斤至四十斤不
等贛局總作每租百斤稅錢八百文而良口鹽卡卽照
贛局稅單每租收稅錢三百文神崗山龍母廟二卡均
照良口之式查刊章每斤收稅錢十二文今合三卡併
計每斤祇收九文再除加租計之所收九文不止九折
已於刊章大不相符故粵鹽成本並未加重三月下旬
吉安府鹽價每百斤扣合庫平足色銀三兩零四分而
淮鹽每百斤定價三兩五錢其販吉郡者每引津貼銀
一兩加以運腳每百斤總需成本三兩三錢有奇價不
能敵水販裹足見在吉郡食粵鹽者十之七袁臨食粵

鹽者十之五其繞越之私不在此數查繞越者多由良口後山贛屬之興國小路肩挑背負百十成羣皆係各小店收售並不歸行自良口以下神岡以上三百餘里沿河市鎮均係如此不但淮引不行卽粵鹽之化私爲官者亦難在神岡以上出售是又私中之私矣復有粵鹽過贛郡西關由陸路挑赴白劍灘下船運至良口上五里之良富地方改挑繞過良口卡下數十里武索地方下船其分行萬安龍泉者不必再經神岡其過神岡後分行吉水峽江者不必全經龍母廟是所稅九文仍多不足何怪侵及腹地乎至李宮保飭繳稅單一節自

郡之住歧卡至良口卡均張貼此項告示而鹽行客幫
均尙不知此說地方官及局員亦未有執稅單而絕之
者是以毫無起色也等情職道查委員是否秉公無從
深悉徒增分局費用實屬虛糜不如改照龍母廟鹽稅
徑解本局較爲直捷今據委查三卡所徵九文多有在
中途分行不能全經三卡其繞過良口者直是一文不
交似須裁去神崗卡歸併良口卡每斤抽稅錢六文其
繞越之良富武索二卡應卽作爲良口之上下分卡各
設礮船但查走漏不收稅錢卽由良口卡員派人分司
其事所有徵收稅錢徑解本局不必再由吉安牙釐分

局轉解以節糜費良口卡爲淮界門戶委員責任綦重
必須歸本局慎選務期得人方可有裨惟改章之始應
撥水師礮船常住良口良富武索三處每處二隻均歸
委員調度兼可輪流護送稅錢來省將來如辦緝私則
此路祇須添兵不必另行布置興國一路必須添設早
卡良口亦能兼顧龍母廟委員係由本局會委距省較
近耳目易周姑且仍舊一俟畫清淮界之時再議裁撤
經鹽政曾國藩批准

同治六年五月鹽政曾國藩示照得江西省設立良口神
崗山龍母廟三卡抽收粵私鄰稅每卡每斤收錢三文

係屬化私爲官通融辦理乃近聞粵販每包加鹽三十餘斤至四十斤不等贛局總作每包百斤稅錢八百文而良口等卡卽照贛局稅單抽收明則加稅暗實放斤以至粵鹽售價日賤吉安所屬盡爲粵私占奪淮鹽片引不銷見經札飭督銷局頒發官稱通飭各卡一律抽掣此後過一斤鹽完一斤稅不准絲毫朦混除分調礮船會同卡員實力整頓外仰粵販人等知悉須知吉安本係淮引地界暫准行銷粵鹽已屬格外從寬不能再任無稅之私夾帶繞越況督銷局凡售吉屬淮鹽每引津貼販戶銀一兩該販等同一謀利同一營生儘可前

往督銷局買運淮鹽此乃經久之計若該販等以粵鹽爲便乃願販運粵鹽則經過良口神崗山龍母廟三卡務各按照實斤繳稅儻敢以多報少定將鹽斤充公立提該販解轅嚴辦

謹按粵鹽之稅以七年分爲最旺良口神崗一路計收五萬五千四百餘兩龍母廟一卡共收二萬六千六百餘兩統計共收銀八萬餘兩以見抽鹽釐每引八兩四錢四分計之實已占攔淮鹽萬引地步而各卡經費皆未計及是尙不止萬引也其占礙淮銷者甚大嗣於同治八年四月將粵私停稅堵截見後閩鹽鄰

稅

浙鹽收稅

咸豐五年四月

欽差兵部侍郎曾國藩咨戶部查上年江西撫部院張芾陳啟
邁先後奏請浙鹽四萬引委候補道沈濤辦運係照淮
綱之例六百斤成引以其行淮南之引地不能不照淮
南之章程也此次奏請以鹽抵餉仍照沈濤見辦成案
以浙鹽作淮引每引定爲六百斤所有浙課正雜錢糧
四兩九分零見經奏請豁免其淮課二兩六錢八分三
釐卽作爲部撥軍餉之款經部議准

詳見借
運鄰鹽

咸豐七年二月江西藩司鹽法道等會議辦運浙鹽每六
百斤成引應徵淮南正雜課銀一兩七錢三分三釐岸
匣費銀八錢外支銀一錢八分各路鄰私腳價昂貴課
費必視浙鹽稍輕方期暢旺擬請每六百斤成引徵銀
二兩四錢以一兩八錢抵補淮南正雜課項餘銀六錢
儘數抵作淮南岸費匣費等款尙短岸匣費銀二錢並
外支銀一錢五分免予完納以示體恤所徵岸匣費銀
半歸本款支銷半作局卡經費其零星小販不成引者
每斤徵錢八文積零成躉定以六百斤成引計之每引
徵錢四千八百文以錢二千作銀一兩其作銀二兩四

錢仍與大販成引徵銀數目照合其中分別抵補誤費
細數亦與徵銀者一律扣算詳經江西巡撫文俊批飭
遵辦

同治二年八月鹽政曾國藩示凡鄰鹽入淮引界浙鹽每
斤收稅錢十二文於入界之首卡收稅給單

謹按浙私由祁門等處來者必由景德鎮入淮引地
界向章在距鎮一百二十里之青石灘立卡給照每
包鹽三十斤抽庫平銀一錢抵鎮驗截放行至是年
始定此章

同治三年十二月江西巡撫沈葆楨奏竊據鹽法道吳集

1947

安縣良口專抽粵私成本獨重議以每百斤成石酌抽
釐錢二百五十文歸入百貨釐金併辦不在抽稅抵補
課費之例迨咸豐十年六月經督臣曾國藩奏將江西
釐金改爲牙釐局鹽稅事務併入牙釐局統歸藩司專
辦所有歷年徵稅數目除十年六月以後應由牙釐總
局查明詳請督臣具奏外其省城鹽稅及各屬稅卡自
咸豐七年春開辦起至十年六月改歸牙釐局止其計
過卡成引鄰鹽四萬二千六百三十一引六分二釐八
毫每引徵稅抵補淮南課費銀二兩四錢其徵銀一十
萬二千三百一十五兩九錢八釐又積零成釐鄰鹽七

萬八千二百五十一引二釐一毫每引徵稅抵補淮南
課費錢四千八百文作銀二兩四錢共徵錢三十七萬
五千六百零四千九百文作銀一十八萬七千八百二
兩四錢五分一釐二其過鹽一十二萬八百八十二引
六分四釐九毫銀錢二項共合徵銀二十九萬一百一
十八兩三錢五分九釐內除每引抵補岸匣費六錢共
銀七萬二千五百二十九兩五錢九分照議以一半歸
於岸匣費本款支銷以一半作爲局卡經費支應外實
在每引抵補正雜課銀一兩八錢共銀二十一萬七千
五百八十八兩七錢六分九釐業已全數撥充征防軍

餉之用又萬安縣良口卡經過粵鹽一百斤成石計三十六萬三千六百三十五石一十六斤十二兩每石收釐錢二百五十文共收錢九萬九百八千七百九十二文亦已歸入百貨釐金項下撥充軍餉核明照冊詳請具奏前來臣覆查無異除冊送部外理合會同協辦大學士兩江總督臣曾國藩恭摺具奏奉

旨戶部知道欽此旋經戶部咨開查經費一項雖爲辦公之需然亦必當撙節支用今該撫原奏內稱一半作爲局卡經費銀三萬六千餘兩究竟何項若干其中有無浮冒本部無從查考應令江南巡撫速飭鹽法道於文到日

迅將所留一半局卡經費如何支用詳細分敘造具細冊仍專案送報以憑核銷至一半歸岸厘費本款支銷銀三萬六千餘兩是否按照從前淮運章程支用抑係另有別項開銷並令該撫轉飭趕緊詳細查明隨案登覆毋得稍涉遷延含混致干查詢可也

同治四年五月署鹽政李鴻章示江西饒州府所屬淮引地面多與浙界毗連上年原議於安仁縣石港地方設卡抽稅凡浙鹽入淮引地界每斤抽稅錢十二文填給稅單准在淮引地面行銷以冀化私爲官嗣因並無浙私遂卽停撤近聞樂平及景德鎮一帶每有浙私浸灌

而由浙達淮路徑分歧若僅於一二處分別設卡抽稅各該私販勢必多方繞越徒有抽稅之虛名無裨疏引之實效自應循照定例畫清淮浙引地各保藩籬本署部堂見已通飭一律堵截責成饒屬釐金各卡嚴密查拏凡遇浙私侵及淮境一經拏獲卽將私販交地方官按律嚴辦鹽斤解督銷局變價分別提賞充餉儻恃眾拒捕准由各該卡登時格殺無論嗣於閏五月停稅堵緝

謹按西岸堵浙私各案詳載緝私篇錄此以備鄰稅之案

閩鹽收稅

咸豐三年四月江西巡撫張芾奏前因運道梗塞奏請撥
運粵鹽見在尙無到境之期應聽各販採買閩浙官鹽
照淮南辛亥綱每大引徵正項一兩四錢二分三毫三
絲七微三纖一沙二塵雜項三錢一分二釐六毫二絲
四忽四微七纖八塵鹽規匣費一錢九分九釐七毫一
絲三忽六微二纖外支各款一錢五分岸費六錢其銀
二兩六錢八分二釐六毫六絲八忽七微五纖九沙經
戶部議准暫行試辦

同治二年八月鹽政曾國藩示凡鄰鹽入淮引界閩鹽每

斤收稅錢入文於入界之首卡收稅給單

同治三年四月江西督銷局道員程桓生稟奉札據撫建分局王令柏理稟另派幹員接辦局務等情除批查閩鹽加稅辦理數月迄無成效或由立法太密加稅過重必須於規復引地之中仍寓體恤鄰販之意擇扼要處設卡加抽他卡查驗稅單放行或一卡總抽每斤八文尙嫌其重亦不妨量予減輕應改歸督銷局會同該分局查明閩鹽行銷撫建等處每百斤實需成本若干可售價銀若干應稅錢若干妥議章程具詳查辦未定章以前仍由該分局照舊暫行辦理等因查撫建地方見

有逆股竄擾所有閩鹽加稅章程應俟地方平靜再行
體察情形會同該分局妥議詳辦經鹽政曾國藩批准
同治四年正月江西牙釐省局布政使孫長紱督銷總局
道員程桓生詳據撫建牙釐分局稟稱竊撫建各路販
運閩鹽較前頗多須設水陸各卡專抽鹽稅茲查樟村
爲水販總匯之區康都爲旱販往來之處應請先開設
樟村水卡俟辦有頭緒再立康都旱卡所有驗票事宜
仍請責成各該釐卡帶辦以節糜費惟查閩鹽入江度
嶺甚艱售鹽不越撫建境內銷路甚短業此者多係廣
昌宜黃窮民其成本每百斤須在三千以外賣價每百

斤或四千零不等扣除一路水腳獲利無幾自釐卡帶收鹽稅該販等尙赴卡報完但再四乞憐求減迺自上年間鹽加稅以來闖卡拒捕巨案迭出與其含糊抽收徒有加稅之名何若核實辦理明定減稅之章等情本司等覆加查核擬卽會同檄委妥員前往樟村開設水卡惟查刊章內開閩鹽每斤抽收八文以該處見在水販之成本賣價計之已無餘利況在賊擾之後似應量予減輕撫建各屬通行洋銀擬請每百斤暫收洋銀三錢并責成委員認真抽辦儻遇鹽價日起販利漸厚仍當再議加增如或鹽價尙疲恐三錢之數不能抽取仍

當再爲議減至旱路鹽販肩挑車載成本較重將來旱卡抽數擬照水卡折半抽取以昭平允經鹽政曾國藩批准嗣於二月司局復詳以該處上年遭賊擾害民力尙未復元請按定每百斤暫收洋銀二錢以示體恤經署鹽政李鴻章批准

同治四年六月撫建釐稅分局委員宛立儔詳閩鹽抽稅前經稟奉先設樟村水卡所有康都旱卡復經奉准毋庸復設專意認真水卡稅務查撫建兩屬釐卡如廣昌之白水甘竺南豐之河背金谿之許灣臨川之上潁渡等處爲粵稅正分水卡上下關鍵卽宜仍舊幫同鹽卡

隨時稽查遇有閩鹽過卡驗單放行無稅單者照見定
樟村新城及建城外等鹽卡新章每鹽百斤抽稅洋銀
二錢由前各釐卡收稅給單免令偷漏所收之稅均照
鹽卡之例按月隨同填裁左單單根並造具收解稅項
及用存票號各數目清冊一律解送卑局彙解經鹽政
李鴻章批准

同治五年正月撫建分局委員宛立儔稟查建城外卡每
月撫州小車自杉關推鹽經過不少閒遇天雨卽由資
溪河搭船而下若不收稅不足以塞樟新眾販之口但
必按引抽收便皆繞越不前擬每小車作鹽六十斤酌

抽洋銀一錢二分填單給領以符定章而示體恤經鹽政李鴻章批准

同治五年十二月署鹽政李鴻章示前因閩粵鄰鹽侵銷淮界特爲設卡抽稅發給稅單護運所有截存單根向由各卡呈繳淮鹽總局而稅單則隨鹽護運並不繳銷近聞粵閩鹽販每多偷漏繞越其過卡之鹽亦以多報少暗減稅錢卡員惟恐滋事辦理通融於淮銷大有妨礙嗣後販鹽運入淮界各卡完稅後無論在何處售賣先將所領稅單就近呈繳各該鹽釐局卡驗明鹽數與單相符方准開稱售賣其賣鹽而不繳單者卽以私論

起鹽入官其並無稅單而擅自賣鹽者卽係繞越私鹽
嚴拏懲辦至各處繳存稅單卽由各卡委員封送各該
管分局按月彙送淮南總局以憑查對

同治八年三月鹽政馬新貽護江西巡撫文俊會示本部
堂會同曾爵閣部堂具奏嚴堵鄰私收復淮南引地一
摺業經戶部核議覆奏欽奉

諭旨允准在案所有粵鹽閩鹽浙鹽應卽一律停稅禁堵經本
護院會商議定飭令各鹽卡卽於本年四月十五日一
律停收鄰稅不准鄰鹽再行越境售賣卽改鄰稅卡爲
緝私卡認真查緝並另派防勇嚴扼陸路多調礮船分

扼水路務期鄰私盡淨准引暢銷以復引地而裕課餉
嗣後務宜恪遵

功令買銷准引毋得違法干咎其水販人等亦不得再運
鄰鹽販入淮境儻或販入卽由各緝私卡員會同防勇
水勇立即嚴拏人鹽並獲盡法懲辦如有持械拒捕者
格殺弗論毋謂言之不早也旋於四月粵浙間鹽一概
停稅堵截

謹按江西緝私詳載緝私篇以是停鄰稅之始故錄
此

兩淮鹽法志卷一百二十八